



UNIVERSITÄTS-
BIBLIOTHEK
PADERBORN

Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Positus in medio, quò me vertam, nescio.

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

» Alterum in alterius medio later. Optima mens est
 » Per bona nolle malum, per mala velle bonum.

*Positus in medio, quò me vertam,
 nescio.*

HAereo, lac inter meditans interque cruorem,
 Inter delicias vberis & lateris.
 Et dico (si fortè oculos super vbera tendo)
 Diua Parens, mammae gaudia posco tuae.
 Sed dico (si deinde oculos ad Vulnera verto)
 O I E S V, lateris gaudia malo tui.
 Rem scio : prenfabo, si fas erit, vbera laua;
 Et dextrâ tacitus Vulnera corripiam.
 Vbere lactari volo, sed volo Sanguine pasci,
 Delicijisque tuis Christe, Maria tuis.
 Vulnera sed nati tua sunt, da Vulnera Mater;
 Vbera sed tua sunt, vbera Nate dato.
 Vbera si abnuitis, concedite Vulnera; tandem
 Vulnera si abnuitis, vbera sola date.
 Lac Matris miscere volo cum Sanguine Nati,
 Non possem antidoto nobiliore frui.
 Lacte niues anteibo, rosas anteibo cruore,
 Efficiet purum mamma, cruor vegetum.
 Vulnera restituent turpem vlceribus mendicum,
 Testa cui saniem radere sola potest.
 Vbera restinguent pueri sitientia labra,
 Quem Sara non patitur, quem neq; nutrit Agar.
 Illa mihi ad pestem procul & procul expungédam,
 Ista mihi ad longas eualitura febres.
 Vanus honos me perpetuâ prurigine tentat?
 Exsaturare queo Sanguine, lacte queo.

Liuor

Liuor inexpletâ rubigine sauit in artus?
 Detergère queo lacte, cruore queo.
 Ergo Parens & Nate, meis aduertite votis,
 Et date posse frui Sanguine, lacte frui.
 Paruule, maternis medius qui ludis in vlnis,
 Qui tua iam comples vbera, iam vacuas,
 Quid me respectas obliqua tuentibus hircus?
 Roboris in cælum nil modò liuor habet.
 Sapè quidem dixi, noxis offensus iniquis,
 Tùne meas mammas improbe, tùne meas?
 Nolo tuas, ô nolo tuas, Puer auree, mammas:
 Non sum tam duri, tam grauis oris homo.
 Intrarit Thomæ manus in lateris mare magnum,
 Sanguine regrediens ditior, atque fide.
 Non eadem mihi frons: Pudor antegressus Amori,
 Est desiderijs meta modusque meis.
 Sat foret effusi parsexiguissima lactis,
 Illaque me niueum redderet, imò niuem.
 Si scintilla potest magnas accendere flammâs,
 Cur non exstinguat lactea gutta sitim?
 O si vel lateris pluat vnica & vnica stilla!
 O si dextræ Vulnere gutta fluat!
 Si nihil è dextrâ vis impluere, implue læuâ;
 Si nihil è læuâ, de pede sanguis eat.
 Si tibi non placeo, vulnus mihi Vulnere danto;
 Mercedem danto Vulnere, si placeo.
 Sapè mihi Babylon paterâ propinat & auro,
 Ingeminatque meis auribus, Euge bibe,
 Non faciam, vel si cælum miscebitur orco,
 Rumparis meretrix impia, non faciam.
 O sitio tamen? ô vocem sitis intercludit!
 Nate, cruore sitim comprime, lacte Parens.

Dic Matri, Meus hic frater sitit; optima Mater,
 Vis de fonte tuo promere, deque meo?
 Dic Nato, Tuus hic frater, mi mellee fili,
 Captiuus monstrat vincula, lytron habes.
 Nate Redemptorem monstra te iure vocari,
 Fertior reliquis si tibi sanguis inest.
 Tuque Parens, monstra Matrem te iure vocari,
 Vbera si reliquis diuitiora geris.
 O quando lactabor ab vberibus, Vulnere pascar,
 Deliciisque fruar, mamma, latusque, tuis;
 Parce Deus, magno si te clamore fatigem,
 Non potis imperio, non potis arte regi.
 Exagitante siti Patientia perdit habenas;
 Clamorem si vis tollere, tolle sitim.
 Pluris ego clavis, saturasti Sanguine clauos,
 Erubuit cuspis Sanguine tincta tuo.
 Pluris ego pannis, maduerunt vndique panni
 Nati a Vulneribus, Matris ab vberibus.
 Ergo Parens & Nate, meis aduertite votis,
 Et date posse frui Sanguine, lacte frui.
 Vultis emi lacrymis? lacrymas effundere tento,
 Sed lacrymæ è duro non abeunt silice.

Angelo Custodi.

A Ngele mi, bone dux animæ, bone mētis Acha-
 Quo sine nō possum viuere, nolo mori, (tes,
 Ausim ego progenies lutea & mera pukeris vna,
 Tecum naturâ cælite pauca loqui?
 Tu mihi, cum primum vitæ iubar editus hausi,
 Antistes vitæ iussus es esse meæ.
 Iussus es infantem, puerum, iuuenemq; virumque,
 Atque senem, curâ non abeunte sequi.

Dum